

Headlines

- 1 केन्द्री मंत्री डॉ. जितेन्द्र सिंह होरें आकखेआ ऐ जे आतंकवाद नै जम्मू कश्मीर गी बड़ी मती पच्छाड़ लाई ऐ।
- 2 बीजेपी दे वरिष्ठ नेता अमित शाह होरें विश्वास जताया ऐ जे भारत पक्क गै दुनिया दी अब्बल दर्जे दिएं 3 बड़्डी अर्थवस्थाएं च शामिल होग।
- 3 रामबन जिले दे परनोट ग्रां च जिमीं धस्सने करी घरें गी नुकसान पुज्जने मगरा प्रशासन नै राहत सरबंधी हीले तेज करी दित्ते न। उत्थें आपात प्रतिक्रिया केन्द्र खडेरैआ गेआ ऐ।
- 4 तीरंदाजी दे विश्व कप च भारती तीरंदाजें कंपाउंड टीम मकाबलें च सुन्ने दे 3 तगमे जित्ते न।
- 5 जम्मू च जंदी रातीं ते अज्ज बी बरखा बरने करी तापमान च कमी आई ऐ। बर्फ किट्ठी होने करी मुगल रोड पर फिलहाल गडिडएं दी आओजाई बंद करी दित्ती गई ऐ।

**Jammu Terrorism**

प्रधानमंत्री हुंदे दफतरै च राज्यमंत्री डॉ. जितेन्द्र सिंह होरें आकखेआ ऐ जे आतंकवाद नै मुख्य दे कन्नो-कन्नी जम्मू कश्मीर गी बी बड़ी मती पच्छाड़ लाई ऐ। जम्मू च सब्बनें बड़्डी आतंकवादी घटनाएं पर आधारित प्रो. कुलभूषण मोइत्रा हुंदे आस्सेआ लिखी गेदी कताब—“**Terrorism-Proxy War In Jammu**” दा विमोचन करने परेंत डॉ. सिंह होरें आकखेआ जे जित्थें तोड़ी आतंकवाद दा सरबंध ऐ तां पाकिस्तानी आतंकवादिएं नां शड़ा कश्मीर घाटी च कश्मीरी पंडितें दियां हत्तेआं कीतियां सगुआं उनें जम्मू खित्ते च अल्पसंख्यकें गी बी नशाना बनाया ऐ। उनें आकखेआ जे जम्मू संभाग दे दूर-दरेडे इलाकें च बड़्डे कत्लेआम होए दे न ते जम्मू नै बी कश्मीर आंगर गै आतंकवाद दा कैहर प्रो. कुलभूषण मोइत्रा होरें इस मौके पर आकाशवाणी संवाददाता अंकुश शर्मा कन्नै अपने बचार सांझे कीते।

**Shah-370-Priyanka**

बीजेपी दे वरिष्ठ नेता अमित शाह होरें इस गल्लै पर भरोसा जताया ऐ जे प्रधानमंत्री नरेन्द्र मोदी हुंदे त्रीए कार्यकाल दरान भारत दुनिया दी त्रीह बड़्डी अर्थबवसी च शामिल होई जाग। अज्ज गुजरात दे पोरबंदर च इक जनसभा गी संबोधत करदे होई अमित शाह होरें 370 गी हटाने, राम मंदर गी बनाने ते आतंकवाद ते नक्सलवाद दे खतरें थमां सफलता कन्नै निबड़ने जनेह ऐतिहासक फैसले लेई प्रधानमंत्री होरें गी एहदा श्रेय दित्ता ऐ। उनें कांग्रेस पार्टी दी अलोचना कीती जे ओह बंड पोआने बाली नीतियां ते वोट बैंक दी सियासत करांरदे न। दूई बक्खी कांग्रेस दी महासचिव प्रियंका गांधी होरें अज्ज वलसाद जिले दे धर्मपुर च इक रैली गी संबोधत कीता, जित्थें उनें बीजेपी सरकार दी नुक्ताचीनी कीती जेहड़ी पिछले 10एं बरें थमां गरीब ते जनजातीय समुदाय दे लोकें कन्नै बेन्याई करांरदी ऐ। उनें आकखेआ ऐ जेकर कांग्रेस पार्टी सत्ता च औंदी ऐ ते ओह जनजातीय समुदाय दे लोकें लेई इक खास बजट तैआर करोग ते गरीबें, दबोए-लतड़ोए दे लोकें ते करसानें दी भलाई बेहतरी आस्तै कम्म करोग।



Samba Voter Turnout

कल होए दे लोकसभा दे दुए गेड़ दे चुनां तैहत जम्मू संसदी हल्के च 71.91 फीसदी मतदान दर्ज कीता गेआ ऐ जेहड़ा लोकतांत्रिक प्रक्रिया च लोकें दे विश्वास ते एहदे प्रति उंदी वचनबद्धता गी ग्रामीण ते बन्ने आले इलाकें च मतदाताएं बधी-चढ़ियै वोट पाए न। आकाशवाणी दे सांबा संवाददाता मूजब जिले च त्रै विधानसभा हल्के न जिंदे चा रामगढ़ च 72.27 फीसद, विजयपुर च 75.67 फीसद ते सांबा असैंबली हल्के च 74.72 फीसद वोट पाए गे न। उआं पूरे सांबा जिले च कुल 75.22 फीसद मतदान दर्ज कीता गेआ ऐ।

<><><><><><>

Reasi

रियासी दे जिला चुनां अधिकारी होरें जिले च 75 फीसद थमां बद्ध मतदान लेई रियासी दे लोकें दा आभार जताया ऐ। जिला चुनां अधिकारी विशेष महाजन होरें जानकारी दिक्ती ऐ जे जिले नै पिछले लोकसभा चुनाएं च दर्ज कीते गेदे 2019 दे मतदान रिकार्ड गी पार करी लैता ऐ। उनें चुनाएं च मती गिनतरी च आए दे युवाएं ते महिलाएं दा धन्नबाद बी कीता।

<><><><><><>

Cyber Crime

जम्मू कश्मीर पुलस दे साईबर अपराध जांच युनिट किश्तवाड़ नै ऑनलाइन धोखाधड़ी राएं लोकें थमां लुट्टी गेदी 1 लक्ख 29 जहार 450 रुपें दी रकम बरामद करने च कामयाबी हासल कीती ऐ। सोशल मीडिया दी इक पोस्ट च जिला पुलस किश्तवाड़ नै बरामद कीती गेदी रकम बारे जानकारी दिंदे होई लोकें गी गुजारश कीती ऐ जे ओह ऑनलाइन धोखाधड़ी दा शकार नेई बनन ते एटीएम राएं लैन-देन करदे बेल्लै बी सौहगे-सतर्क रौहन।

<><><><><><>

CBI Officer

इक अधिकारी नै दस्सेआ ऐ जे इक सीबीआई अफसर दी मौत उसलै होई गई जिसलै ओह जम्मू च श्रपीड ब्रेकर पार करा'रदा हा ते मोटर सैकल तलैहटी गेआ। अधिकारी मूजब प्रशांत शर्मा पलोड़ा जम्मू दा रौहने आला ते सीबीआई च डीएसपी हा। एह हादसा उसलै पेश आया जिसलै ओह जंदी रातीं अपने घर परतोआ दे हे। अधिकारी नै दस्सेआ ऐ जे प्रशांत शर्मा गी सिरे पर गंभीर चोटां आइदियां हियां। उनेंगी खास इलाज आस्तै पंजाब दे अस्पताल च रैफर कीता गेआ जेहदे दरान उंदी मौत होई गई।

<><><><><><>

Ramban Relief

रामबन जिले दे परनोट ग्रां च जिमीं धस्सने करी 50 मकानें, बिजली ढांचे ते शिड़क संपर्क गी नुक्सान पुज्जने दे इक दिनै परेंत प्रशासन नै प्रभावत परोआरें दी मदाद लेई 24 घेंटे कम्म करने आली रसोई स्थापत कीती ऐ। रामबन दे डिप्टी कमीशनर बसीर-उल-हक चौधरी हुंदे दफ्तरै सोशल नेटवर्किंग साईट एक्स पर जारी इक पोस्ट राएं दस्सेआ ऐ जे कुदरती क्रोपी दी मारै हेठ आए दे परोआरें दी मदाद लेई परनोट ग्रां च बनाए गेदे कैप च हर रोज 24 घेंटे कम्म करने आली रसोई शुरू कीती गेदी ऐ। दफ्तरै मूजब प्रभावत परोआरें दे मसले नबेड़ने लेई उत्थें इक एमरजेंसी केन्द्र, डिप्टी कमीशनर हुंदा कैप दफ्तर ते डीडीएमए रामबन दे चेयरमैन हुंदा कैप दफ्तर बी स्थापत कीता गेआ ऐ।

<><><><><><>

Centre Onion

केन्द्र सरकारै बंगलादेश, संयुक्त अरब अमिरात, भूटान, बैहरीन, मॉरिशियस ते श्रीलंका-इनें 6एं मुल्खें गी 99 जहार मीट्रिक टन थमां मते गंडे दे निर्यात दी खुल्ल देई दित्ती ऐ। सरकारै पच्छम एशिया ते किश यूरोपी मुल्खें च निर्यात बजारें लेई खास तौर पर उगाए गेदे 2 जहार मीट्रिक टन चिट्टे गंडे दे निर्यात दी मंजूरी बी दित्ती ऐ। पिछले ब'रे दिसम्बर म्हीने सरकारै गंडे दे निर्यात पर रोक लाई दित्ती ही तां जे घरेलू स्तर पर इंदी सुद्दी मात्रा च उपलब्धता जकीनी बनी सकै। एह फैसला 2023-24 ब'रे च हाड़ी ते सोनी फसलें दी घट्ट पैदावरी दे अंदाजे दी पछोकड़ च लैता गेआ हा।

<><><><><><>

Poonch Vaccine

पवित्र हज यात्रा पर जाने आले तीर्थयात्रिणं दी सेहत ते सुरक्षा गी जकीनी बनाने आस्तै सेहत मैहकमे आस्सेआ पुंछ जिले दे चऊं केन्द्रें च टीकाकरण अभियान चलाया गेआ। इस पैहलकदमी तैहत हज यात्रा आस्तै रवाना होने आले 125 लोकें गी टीकें लाए गे न।

<><><><><><>

Archery World Cup

तीरंदाजी च भारत दी ज्योति सुरेखा वेन्नम, दिती गोपीचंद स्वामी ते प्रणीत कौर नै अज्ज शंघाई च तीरंदाजी विश्व कप दे फाईनल च इटली गी 236-225 कन्नै हराइयै सुन्ने दा तगमा जित्ती लैता ऐ। जिसलै जे कंपाउंड मिक्सड च ज्योति नै अपने साथी अभिषेक वर्मा कन्नै रलियै एस्टोनियन टविन्स गी 158-157 कन्नै हराइयै सुन्ने दा तगमा हासल कीता। मर्दे दे इक्कले कंपाउंड च भारत दे प्रियांश नै अज्ज दपैहरी चांदी दा तगमा हासल कीता ऐ। तीरंदाज आट्रीया नै नीको वीनर कोला हारी गेआ ते उसी चांदी दे तगमे कन्नै संदोख करना पेआ।

<><><><><><>

JEE

फौज दी वाईट नाईट कोर आस्सेआ जेहड़े गरीब बच्चें गी मुफ्त कोचिंग दित्ती गोई ऐ उंदे चा 18 बच्चें जेईई दुए चरण दा मतेयान पास करी लैता ऐ। फौज आस्सेआ थ्होइ दी जानकारी मताबक वाईट नाईट कोर थमां कोचिंग लैने आले 27 बच्चें एह मतेयान दितता हा जिंदे चा 18 बच्चें एहदे च कामयाबी हासल कीती ऐ।

<><><><><><>

Highway/Weather

जम्मू ते एहदे कन्ने लगदे इलाकें सनें रियासी, उधमपुर, सांबा ते कटुआ जिलें च जंदी रातीं ते फही अज्ज बी होई दी बरखा करी तापमान च खरी मती मौसम ते पीर गी गली दे नेड़े बर्फ किट्ठी होने गी दिक्खदे होई प्रशासन नै मूगल रोड पर गड्डिडएं दी आओजाई फिलहाल बंद करी दित्ती ऐ। तोआई दूई बक्खी जम्मू-श्रीनगर राश्ट्री जरनैली शिडकै पर गड्डिडएं दी आओजाई बवस्था आले ढंगै सिर चलै करदी ऐ पर बनिहाल च छलवास दे नेड़े शिडकै पर तलैहट दे चलदे इस हिस्से थमां गड्डिडएं गी बल्लें-बल्लें अगगे बधायी जा करदा ऐ। तोआई जम्मू च अज्ज बद्धोबद्ध तापमान 30 डिग्री सैल्सियस दर्ज कीता गेआ ऐ जिसलै के जंदी रातीं दा घट्टोघट्ट तापमान 19.3 डिग्री सैल्सियस हा।

<><><><><><>

Poonch Saila

भारती सेना नै धरतै सरबंधी कुल संसारी ध्याड़ा यानि वर्ल्ड अर्थ डे दे महत्व गी बढ़ावा देने आस्तै पुंछ दे सरकारी मिडल स्कूल च विद्यार्थिं आसतै इक लैक्चर दा आयोजन कीतां प्रेस विज्ञप्ति मूजब इस लैक्चर दा मकसद युवाएं ते ओने आली पीढ़िं गी अपने पर्यावरण दी सांभ-सम्भाल ते अपने ग्रह गी बचाने दे महत्व बारे जागरूक करना ऐ।

<><><><><><>